



Broj: 01/14-11-6857-4/23
Sarajevo, 18.12.2023. godine

Na osnovu člana 64. stav (1) tačka b)., člana 70. stav (1) i (3) Zakonom o javnim nabavkama Bosne i Hercegovine („Službeni glasnik Bosne i Hercegovine”, br: 39/14 i 59/22), odredbi Pravilnika o postupku dodjele ugovora o uslugama iz ANEXA II Zakonom o javnim nabavkama Bosne i Hercegovine („Službeni glasnik BiH“, broj 2/23), člana 41. stav (1) Statuta Grada Sarajeva („Službene novine Kantona Sarajevo“, broj 7/23), a na osnovu preporuke Komisije za javne nabavke, imenovane Rješenjem gradonačelnice broj: 01/14-04-6355/23 od 19.09.2023. godine, a po provedenom postupku za nabavku usluga u skladu s članom 8. na koje se primjenjuje poseban režim usluge iz ANEXA II Zakona o javnim nabavkama, gradonačelnica Grada Sarajeva donosi:

O D L U K U

o izboru najpovoljnijeg ponuđača u postupku javne nabavke – Hotelski smještaj i ugostiteljske usluge - 2023./2025. godinu- hotel sa 4 zvjezdice

Član 1.

Prihvata se preporuka Komisije za javne nabavke, te se ugovor za pružanje ugostiteljskih usluga za potrebe smještaja gostiju Grada Sarajeva, - Hotelski smještaj i ugostiteljske usluge kategorije 4 zvjezdice za 2023/2025. godinu – usluge iz Aneksa II Zakona o javnim nabavkama, dodjeljuje ponuđaču **Europa d.o.o Sarajevo, PJ Hotel HOLIDAY, ul. Vladislava Skarića broj 5**, prema ponudi broj: 7656/23 od 11.12.2023. godine, sa ponuđenom cijenom a prema specifikaciji traženih usluga u iznosu od **1.782,00 KM sa PDV-om**.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Stav 2. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/14-11-6857-2/23 od 23.11.2023. godine. Postupak javne nabavke proveden je u skladu sa članom 8. usluge na koje se primjenjuje poseban režim predviđen Zakonom o javnim nabavkama te odredbama Pravilnika o postupku dodjele ugovora o uslugama iz ANEXA II Zakona o javnim nabavkama Bosne i Hercegovine („Službeni glasnik BiH“, broj 2/23).

Dana 30.11.2023. godine, na portalu e-Nabavke-Agencija za javne nabavke BiH objavljeno je Obavještenje o nabavci usluge iz aneksa II BROJ:1278-9-2-5-22-98/23.

Istovremeno je objavljen i poziv(tenderska dokumentacija) za dostav ponuda – hotelski smještaj i ugostiteljske usluge 2023.-2025.- hotel sa 4 zvjezdice-smještaj za goste grada Sarajeva.

Sa portala Agencije za javne nabavke, Poziv za dostavu ponude su preuzeli:

- BBS EUROPE
- RELAX TOURS D.O.O.
- EUROPA D.O.O.



- R&S D.O.O. SARAJEVO
- MADES D.O.O.

Na poziv za dostavljanje ponuda na protokol ugovornog organa zaprimljena je jedna ponuda, i to:

- **Europa d.o.o. Sarajevo, PJ Hotel HOLIDAY**

Postupak javne nabavke provela je Komisija za javne nabavke imenovana Rješenjem gradonačelnice broj: 01/14-04-6355/23 od 19.09.2023. godine.

Otvaranje ponuda izvršeno je dana 15.12.2023. godine.

Nakon otvaranja ponude Komisija za javne nabavke izvršila je detaljnu analizu prispjele ponude te je utvrdila da je ponuđač – Europa d.o.o. Sarajevo, PJ Hotel HOLIDAY, dostavio ponudu u skladu sa Pozivom za dostavljanje ponuda te da ista ispunjava sve uvjete koji su traženi od strane ugovornog organa.

Komisija je utvrdila cijenu prispjele ponude a prema traženoj specifikaciji, i to kako slijedi:

- **Europa d.o.o. Sarajevo, PJ Hotel HOLIDAY..... 1.782,00 KM sa PDV-om.**

Komisija za javnu nabavku sačinila je zapisnik o pregledu i ocjeni ponuda od 15.12.2023. godine, te dala preporuku gradonačelnici da se ugovor o pružanju ugostiteljskih usluga za potrebe Grada Sarajeva – Hotelski smještaj i ugostiteljske usluge kategorije 4 zvjezdice za 2023./2025. godinu, dodjeli ponuđaču **Europa d.o.o. Sarajevo, PJ Hotel HOLIDAY, ul. Vladislava Skarića broj 5,** prema ponudi broj: 7656/23 od 11.12.2023. godine, sa ponuđenom cijenom od **1.782,00 KM sa PDV-om.**

Ugovor se zaključuje na period od 2 (dvije) godine.

Procijenjena vrijednost nabavke za ugovoreni period iznosi 40.000,00 KM bez PDV a, usluge će se pružati sukcesivno u zavisnosti od potreba ugovornog organa.

U postupku donošenja odluke posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz Poziva za dostavu ponuda.

U postupku ocjene provedenog postupka, Ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Pozivom za dostavljanje ponuda.

Na osnovu naprijed navedenog, donosi se ova odluka.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu Uredu za razmatranje žalbi putem ugovornog organa u dovoljnom broju primjeraka.

GRADONAČELNICA

Prof. dr. Benjamina Karić

Dostaviti:

- ponuđaču
- a/a

Za zakonitost odgovaraju: Šef odjeljenja za javne nabavke: Suada Kovačević

Rukovodilac Stručne službe za poslove kabineta i poslove Gradske uprave: Dženana Šarčević